

3155

C O D I C E S

3156

licet *Jacobus* et *Margareta*, et in margine Scutulum Reginae. *Fol.* 24. p. 2. Rex ipse virili aetate (occubuit a. aet. 41.) adstante Patrono suo *Jacobo* Apost. ante aram, cujus *Antependium*, quod vocant, iterum Regni Insignia exhibet, genuflexus orat. *Fol.* 109. p. 2. rursus Insignia et Symbolum in margine; ita *fol.* 183. I. et M. *μονογραμματος* auro, unionibusque repraesentatur. Demum Symbolum Regis *fol.* 189. p. 2. et Regina *fol.* 243. p. 2. adstante Angelo ad aram procidua, cujus arae *Antependio* et Insigne, et Symbolum ejus, et *μονογραμμα* I. M. adpicta sunt. Pictura huic e regione posita Navim ostendens, cujus vectores revellendis 2. columnis, fortassis *Herculeis*, occupantur, aut ad navigationes in utrasque *Indias* eo aevo tentari coeptas, aut ad magnam illam a *Jacobo* aedificatam Navim adludere videtur, de qua *Buchanani Rer. Scotiae*. Liber XIII. Atque haec de Codicis ornamentis, quem in *Belgio*, vel faltem a *Belga* et quidem *Flandro Brugensi* scriptum fuisse concludo, cum e miniatis in *Calendario* Sanctorum ejus terrae nominibus aliis, tum maxime e nomine *Donatiani* 15. *Octob.* cui Librarius perperam adscripsit: *episcopi Brugie*; fuit enim is *Rhemensis*, quamvis Reliquiae ejus in *Ecclesia Brugensi* quiescant, quae anno primum 1560. cathedralis evasit. *Calendarium* porro excipiunt: Initia IV. Evangeliorum, Orationes S. *Brigittae*, Horae de *Cruce*, *Preces* variae, *Offi-*

ficium B. M. V. *Psalmi* *Poenitentiales*, *Vigiliae Defunctorum*, *Psalmi* de *Passione Domini*, *Psalterium Hieronymo* subpositum, *Passio Domini* secundum IV. *Evangelistas*, et aliae *Preces*, in quibus *Codex* mancus deficit.

## DCCCCXVI.

Codex membraneus lat. Sec. 385  
XVI. *Folior.* 24. 4. eleganter exaratus, minioque distinctus Titulum praefert: *Contemplacio Saluberrima Gestorum Vitae Passionisque Salvatoris Nostri Precipuarum Ex Testamento Graciae Et Lucis Veritate Articulatim Et Diligenter Collecta*. Hunc Titulum brevior excipit: *Vite et Passionis Christi Meditacio*. Hujus initium: *Jesu mi Dilectissime, Qui Deus es ante secula ex substantia Dei patris genitus: A patribus denique et patriarchis per multa seculorum tempora cum vehementi desiderio expectatus &c.* Atque ita *ἀποστολικώς* omnia *Historiae Evangelicae* *Gesta* enumerantur, dum in fine fiat collectio ejusmodi: *Tu benignissime Domine Jesu, per hos sanctissimos Vitae tuae actus, passionem, crucem et mortem tuam libera nos — quo perduxisti latronem tecum crucifixum. Amen.* Latet Autor; verum e *Textu Psal. LXXI. Fol.* 1. praefixo: *Deus Judicium Tuum Regi da, et Justiciam Tuam Filiis Regis*, conicio, *Opusculum Ferdinando I. Imp.* tribusque *Filiis Maximiliano, Carolo et Ferdinando* oblatum fuisse.

## DCCCCXVII.

3157

LITURGICI.

3158

## DCCCCXVII.

957 Codex membraneus lat. Sec. XVI. Folior. 265. 4. eleganter scriptus, literis initiorum et marginibus pluribus jucundissimo florum insectorumque ornatu variis, Pieturis praeterea XII. grandibus sacris artificis penicilli magnificus varia Pietatis Exercitia completur in usum quondam *Ferdinandi I. Rom. Regis*, quem imperiali habitu de genibus precantem exhibet Icon praevia, addito supra conopeum: *Ferdi. Dei. Gra. Rom. Rex. Etc.* et Scutis *Burgundicis* fenestrae adfixis. Insunt vero: Missa de B. V. M. IV. Evangelistarum totidem Evangelia, Horae de Cruce, de S. Spiritu, et de Deipara, Psalmi Poenitentiales cum Litanis OO. SS. Vigiliae Mortuorum, Precesque ad diversos Coelites. A morte Parentis *Κεραμλιον* istud Filio cessit; legitur enim in ora supera praedietae Iconis: *15. M. 65. Dominus: Prouidebit: Maximilianus.* et fol. 1. praevio: *Donatus est liber iste Maximiliano II. Ele-go Imperatorj: 17. Aprillis. A. D. 65.* Utrumque *αυτογραφεως*. Ejus Insignia vel Patris potius ac phrygia Thecae adpieta sunt.

## DCCCCXVIII.

777 Codex membraneus lat. Sec. XVI. Folior. 29. 8. elegantissime exaratus titulisque miniatis insignis ita in Fronte artificiose depicta inscribitur: *Piae Aliquot Precationes ad Deum Optimum Max: con-*

*tra Turcam, Ferijs sextis, et reliquo Anni tempore fundenda, ac inuicissimo Ferdinando Caesari dicata.* Pag. 2. Icon certaminis Christianorum cum Turcis exhibetur, *Mose supra rupem preces fundente ex Exod. C. XVII. adjecto infra Pietoris, ut puto, Monogrammate F. D. et anno 1557. quo nempe Carolus V. jam Fratri imperium remiserat, quamvis hic per Dedicacionis decursum etiamnum Rex adpelletur a Job. Caualerio, qui harum Precationum partem potissimam e sacris Literis, puta Libro Sap. Psalmis, Judith, Esther &c. Personae Ferdinandi scite adcommodavit, quique se Regis Clientem vocat. Finem facit: Pissima Precatio Gregorij Nissae Episcopi fratris Basilij magni, ex Oratione in Sanctum Theodorum Martyrem, quae etiam cuilibet alii Martyri accommodari potest, Interprete D. Jacobo S. Theol. Doct. et Decano Viennensi. Si Theologicae Facult. Decanus hic intelligatur, fortassis is fuerit Jacobus Zieglerus Boj. Landavianus, qui a. 1543. hoc magistratu functus est, quemque Locherus in Spec. Acad. a. 1549. obiisse tradit. Verum enimvero nomina Decanorum ab a. 1550. ad an. 1567. illi defuere.*

## DCCCCXIX.

Codex chartaceus lat. Sec. 848 XVI. Folior. 82. 8. partim impressus, partim manu exaratus, Liturgicus est, et continet primo Calendarium ecclesiasticum impressum,